

OYSTER PERPETUAL
YACHT-MASTER II



ROLEX



MICHELSEN
ÚRSMÍÐIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 24. júní 2015 | 25. tölublað | 11. árgangur

Sími: 512 5000 | [visir](http://www.visir.is) www.visir.is

FINGRAFÖRIN
OKKAR ERU
ALLS STAÐAR!



Guðjón Ó
VISTVÆNA PRENTSMÍÐJAN

BJARGAÐ Á ELLEFTU STUNDU

- Líklegast er að Grikklandi verði bjargað frá greiðsluþroti
 - Steingrímur J. Sigfússon telur að afstýra hefði mátt miklum þjáningum
 - Skattar verða hækkaðir og breytingar gerðar á lífeyrissjóðakerfinu
- SÍÐUR 6 - 7**

Innistæða fyrir hærra verði

Innistæða er fyrir hækkingunum á gengi bréfa í öllum skráðu fasteignafélögum þremur, samkvæmt nýju verðmati fjármála- og hagfræðiráðgjafar Capacent. Capacent telur að innistæða sé fyrir 11,7 prósentu hækkingun á gengi bréfa í Reitum, 18,9 prósentu hækkingun á gengi bréfa í Eik, og 23,8 prósentu hækkingun á gengi bréfa í Regin. Snorri Jakobsson, sérfræðingur hjá Capacent, telur að kaup Regins á Fastengi hafi verið mjög arðbær fjárfesting. → **SÍÐA 4**



Tæplega 30 prósent aukning

Heildarvelta hvalaskoðunarfyrirtækisins Norðursiglingar nam 496 milljónum króna á síðasta ári samanborið við 384 milljónir króna árið áður. Þetta kemur fram í samandregnum ársreikningi félagsins, sem nýlega var birtur í fyrirtækjaskrá. Í ársreikningnum kemur fram að gert sé ráð fyrir að reksturinn í ár verði með svipuðu móti og undanfarin ár. → **SÍÐA 8**

Edda spriklar í byrjun dags

Edda Hermannsdóttir hefur tekið við starfi samskiptastjóra Íslandsbanka. Edda segir að það hafi ekki verið mjög langur aðdragandi að ráðningu hennar. „Þetta gerist allt frekar fljótt. Og í rauninni hafði ég aldrei hugsað mér að starfa í banka,“ segir Edda. Hún kennir leikfimi í World Class. Hún hyggst kenna leikfimina áfram. „Ég þrífst hvort eð er ekkert öðruvísi en að sprikla í byrjun dags,“ segir hún. → **SÍÐA 8**



STJÓRNAR-
MADURINN

@stjornarmadur

Grikkir skera sig úr öðrum lántakendum að því leyti að þeim hefur nánast í engu tekist að fylgja skilyrðum lána-drottna. → **SÍÐA 12**

Sjónmælingar í Optical Studio

Tímapantanir í síma:

Optical Studio í Smáralind
sími 5288500


Optical Studio í Keflavík
sími 4213811

Optical Studio í Leifsstöð
sími 4250500

Optical Studio
SMÁRALIND • LEIFSTÖÐ • KEFLAVÍK

Truflandi mótmæli

Skjóðan



Á SJÁLFAN þjóðhátíðardaginn mætti fólk niður á Austurvöll til að mótmæla og trufla það sem fyrir broðborgurum, og þá sérstaklega þeim sem boðnir eru í herlegheitin, er heilög stund. Með hávaða, bumbuslætti og gjallarhornum var ríkisstjórn Íslands mótmælt á meðan forsetinn lagði blómsveig að stytta Jóns Sigurðssonar, forsætisráðherrann og fjallkonan fluttu ávörp og kórar sungu þjóðsönginn og ættjarðarlög.

BRÉFRITARI Reykjavíkurbréfs Morgunblaðsins getur ekki á heilum sér tekið. Hann segir mótmælendum engan rétt hafa til að trufla og eyðileggja hátíðarstund. Samferða-

menn bréfitara til fyrirheitna landsins, sem oft hafa talað fyrir frelsi og gegn helsi, fullyrða nú að réttur fólks til að koma skoðunum sínum á framfæri þýði ekki að hver sem er megi segja skoðun sína hvar og hvenær sem er, heldur aðeins að ekki megi banna mönnum að tala alltaf og alls staðar.

ÞAÐ ER AUÐVITAÐ alveg ólíðandi að fólk sé með læti og uppástöndugheit þegar helstu ráðamenn og betri borgarar þessa lands koma saman ásamt fulltrúum erlendrar ríkjanna til að minnast lýðveldisstofnunar. Slík mótmæli trufla og eyðileggja stundina fyrir þeim sem hennar vilja njóta. Löglega kjörin stjórnvöld heyrta ekki í sjálfum sér fyrir látunum í mótmælendum.

VITANLEGA fer betur á því að mótmæli gegn stjórnvöldum fari fram þannig að

þau trufla engan og þá alls ekki stjórnvöld. Í stað þess að trufla hátíðarstundir fyrir broðborgurum og erlendum sendimönnum færi betur á því að mótmæli gegn stjórnvöldum fari fram t.d. í gamla Kolaportinu undir Seðlabankanum milli kl. 2 og 4 að næturlagi, þegar enginn er að vinna í bankanum og lög-mæt stjórnvöld sofa svefni hinna réttlátu.

Einhverjir kvarta undan því að ómöglegt sé að átta sig á hverju verið er að mótmæla. Sumir mótmæla lagasetningu á löglega boðuð verkföll á meðan aðrir mótmæla tilraunum stjórnvalda til að afsala verðmætum þjóðarauldindum varanlega til fárra. Einhverjir mótmæla slæmum kjörum aldráðra og öryrkja og aðrir því að matarverði sé haldið uppi með höftum í þágu

úrrelts landbúnaðarkerfis á kostnað neytenda.

SVO ERU ÞAÐ þeir sem mótmæla vegna þess að þrátt fyrir metnaðarfulla stöðugleikaáætlun hefur ríkisstjórninni mistekist að snúa af þeirri braut stöðunar og lífshæðisgerðingar sem leitt hefur til þess að fólksflótti eykst nú á ný úr landi sem virðist ekki geta forgangsraðað í þágu heilbrigðisþjónustu og menntunar.

SÍÐUSTU TVEIMUR ríkisstjórnnum hefur mistekist margt en báðum tekist vel að sameina ólíka þjóðfélagshópa í andstöðu við stjórnvöld. Auðvitað er það truflandi þegar fólk mætir til að mótmæla en eiga ekki mótmæli einmitt að trufla?

SKJÓÐAN er frekju- og leiðindaskjóða, sem lætur ekkert mannlegt sér óviðkomandi.

Dagatal viðskiptalífsins

keldan
dagatal viðskiptalífsins

MÍÐVIKUDAGUR 24. JÚNÍ
Hagstofan – Vinnurátturinn í maí 2015

Hagvísan
Hagstofan – Vísitala neysluverðs í júní

FIMMTUDAGUR 25. JÚNÍ
Þjóðskrá – Fjöldi útgefna vegabréfa
Hagstofan – Nýskráningar og gjaldþrot fyrirtækja

ÞRIÐJUDAGUR 30. JÚNÍ
Hagar – Uppgjör 1. ársfjórðungs Hagstofan – Verðmæti sjávaraflla janúar til mars 2015

FÖSTUDAGUR 26. JÚNÍ
Seðlabanki Íslands – Útgáfudagur

FÖSTUDAGUR 3. JÚLÍ
Hagstofan – Þjóðhagsspa að sumri

Allar markaðsupplýsingar eru aðgengilegar á vísir

Sigurður í mál við ríkið vegna kaupréttar

Sigurður Einarsson hefur stefnt íslenska ríkinu vegna skattlagningar á kauprétti hans hjá Kaupþingi fyrir hrún. Tapi Sigurður málinu gæti hann þurft að greiða yfir 700 milljónir króna í skatt.



SIGURÐUR EINARSSON Yfir 700 milljónir króna eru í húfi fyrir Sigurð vegna skattlagningar á Kauprétti. FRÉTTABLAÐI/GVA

Sigurður Einarsson, fyrrverandi stjórnarformaður Kaupþings, hefur stefnt íslenska ríkinu fyrir Héraðsdóm Reykjavíkur til að fá úrskurði Ríkisskattstjóra og Yfirskattanefndar til að fá skattlagningu á kauprétti hans hjá Kaupþingi á árunum 2006 til 2008 hnekkt.

Sigurður Einarsson telur að kaupréttirnir sem hann nýtti sér hafi verið skattskyldir í Bretlandi þar sem hann var búsettur og hann hafi þegar greitt það sem honum ber þar í landi. Þetta féllust íslensk skattayfirlöð ekki á.

Tapi Sigurður málinu mun hann líklega þurfa að greiða yfir 700 milljónir króna í tekjuskatt þar sem kaupréttir eru skattlagðir sem laun. Skattstofninn miðast við mismun markaðsgengis hlutabréfanna og þess gengis sem kveðið er á í kaupréttarsamningunum en Sigurður keypti hlutabréfin á genginu 303. Árið 2006 keypti Sigurður 1.624 þúsund hluti og 812 þúsund hluti bæði árin 2007 og 2008.

Ríkisskattstjóri segir skattstofn vegna kaupréttanna nema

1,6 milljörðum króna. Þá bætti embættið 25 prósentu álagi við skattstofninn þar sem Sigurður gerði ekki grein fyrir tekjunum hér á landi. Samanlagt nemur skattstofninn því tveimur milljörðum króna.

Sigurður byggir málarekstur sinn á því að hann hafi notið kaupréttanna á grundvelli ráðningarsamnings sem hann, einn

stjórnarmanna, hafði gert við Kaupþing og fólst m.a. í störfum fyrir Kaupþing í Bretlandi.

Ríkisskattstjóri og Yfirskattanefnd telja hins vegar að kaupréttirnir séu hluti af hefðbundnum launagreiðslum hans fyrir störf hans sem stjórnarformaður Kaupþings og því skattskyld hér á landi.

- ih

SHATAL tæki fyrir verktaka

MÚRBÚÐARVERÐ

Jarðvegsþjappa PC1442
Honda 80kg
210.900

CS502 götusög
395.000 m/vsk

Jarðvegsþjappa
RP 4013-60 Honda 269kg
695.000 m/vsk

ST 122 Gólfslípivél
449.000 m/vsk

Jarðvegsþjappa
RP2414-50 Honda 149kg
495.000 m/vsk

Rafstöð Shatal SR2200
220V 5,5HP Honda 2,2KW
105.990

MÚRBÚÐIN
Sími 412 2500 - sala@murbudin.is - www.murbudin.is

Gengi félaga í Kauphöll Íslands

8
Á UPPLÉIÐ
Félög sem hækkuðu
í verði

8
Á NIÐURLEIÐ
Félög sem lækkuðu
í verði

0
STÓÐU Í STAÐ
Félög sem stóðu
í stað

Félag	Gengi í gær	Frá áramótum	Víkubreyting
Bank Nordic (DKK)	124,00	19,2%	4,2%
Eik fasteignafélag*	6,27	-7,8%	-0,5%
Eimskipafélag Íslands	215,00	-9,3%	-1,1%
Fjarskipti (Vodafone)	38,60	10,3%	-0,5%
Hagar	36,60	-9,5%	1,5%
HB Grandi	41,05	21,4%	1,4%
Icelandair Group	24,50	14,5%	0,4%
Marel	186,00	34,8%	-0,5%
N1	38,05	64,0%	1,7%
Nýherji	10,21	97,1%	-1,4%
Reginn	14,20	4,8%	-0,1%
Reitir*	63,80	0,5%	0,3%
Sjóvá	10,21	-14,6%	0,4%
Tryggingamiðstöðin	19,20	-27,0%	1,3%
Vátryggingafélag Íslands	7,82	-13,6%	-0,6%
Össur	475,00	31,6%	-2,1%

Fírst North Iceland

Century Aluminum	3.300,00	0,0%	0,0%
Hampiðjan	25,50	12,8%	-1,9%
Sláturfélag Suðurlands	1,40	-24,3%	0,0%

*Skráð á árinu (þrún frá útboðsgengi).



Í REYKJAVÍK Sala á íbúðum í eigu íbúðalánasjóðs gengur vel. FRÉTTABLAÐI/GVA

Seldu 145 íbúðir í síðasta mánuði: ÍLS á 1.600 íbúðir

Íbúðalánasjóður átti 1.559 fullnustueignir í lok maí síðastliðins. Sjóðurinn seldi 145 eignir í mánuðinum en á sama tíma bættust við 39 nýjar fullnustueignir. Jafnframt voru tvær eignir afturkallaðar eftir að samþykkingarfrétti uppboðs lauk og fækkaði því fullnustueignum í maí um 108 eignir.

Í mánaðarskýrslu Íbúðalánasjóðs sem kom út í gær kom fram að frá áramótum og til loka maí-mánaðar hafa þá verið seldar samtals 487 eignir en á sama tíma hafa bæst við 157 nýjar fullnustueignir í eignasafnið.

- jhh

Ábendingahnappinn má finna á www.barnaheill.is



SAFT





Make it matter.



Margur er knár þótt hann sé smár.

HP EliteBook Folio 1020 Special Edition.
Mjög örugg, einstaklega sterkbyggð og fallega hönnuð.

- Orkusparandi Intel® Core™ M örgjörvi
- Aðeins 15,7mm þunn
- Aðeins 1 kg.
- 9 tíma rafhlöðuending
- Með 12,5" Quad HD skjá
- Ytra byrði úr Magnesium-Lithium
- Stóðst 13 próf samkvæmt Mil-Spec 810G staðlinum

Nánari upplýsingar um HP EliteBook fartölvurnar eru á www.ok.is/elitebook/

*Intel, merkj Intel, Intel Inside, Intel Core og Core Inside eru vörumerki Intel Corporation í Bandaríkjunum og/eða öðrum löndum.



OPIN KERFI

Opin kerfi hf. | Höfðabakka 9 | 110 Reykjavík | www.ok.is | sala@ok.is | sími 570 1000



EYRÚN INGA-DÓTTIR Það kom Eyrúnu á óvart hve hátt hlutfall starfar við lögfræði. AÐSEND MYND

Það kom framkvæmdastjóra LÍ á óvart hve margir vinna lögfræðistörf: Flestir útskrifaðir fá vinnu við lögfræði

Alls unnu 69 prósent þeirra sem útskrifuðust með meistaraþráðu úr lögfræði á síðasta ári störf tengd lögfræði í apríl síðastliðnum samkvæmt könnun Lögmannafélags Íslands (LÍ).

„Þessar niðurstöður eru betri en við bjuggumst við miðað við umræðuna þó vissulega sé ekki jafn auðvelt að fá vinnu núna og það var,“ segir Eyrún Ingadóttir, framkvæmdastjóri LÍ.

Alls 77 af þeim 111 sem svöruðu könnuninni störfuðu við lögfræði, 17 unnu annars konar störf og 17 voru atvinnulausir.

Meðallaun hinna nýútskrifuðu lögfræðinga voru um 535 þúsund krónur á mánuði samkvæmt könnuninni. Laun karla voru að meðaltali 30 þúsundum króna hærrí en kvenna en

ekki var merkjanlegur munur á hvers konar störf kynin unnu eða hve margar vinnustundir.

Flestir þeirra sem útskrifuðust úr HÍ fengu lögfræðistarf (45 af 55), þar á eftir nýútskrifaðir úr HR (27 af 42), svo Háskólanum á Bifröst (3 af 7) en Háskólinn á Akureyri rak lestina (2 af 8).

Alls unnu 28 prósent þeirra sem svöruðu könnuninni á lögmannsstofu, 24 prósent hjá hinu opinbera, 10 prósent hjá opinberum aðilum eða sveitarfélögum og 7 prósent hjá fjármálastofnun.

Fimmtungur þeirra sem svöruðu könnuninni töldu líklegt að þeir myndu velja annað nám en lögfræði ef þeir væru að hefja háskólanám nú.

-ih



TURNINN Í SMÁRANUM Á meðal þeirra eigna sem Eik keypti fáeinum mánuðum áður en félagið var skráð á markað voru stórar eignir í Kópavogi. FRÉTTABLAÐIÐ/GVA

Öll fasteignafélögin gætu hækkað í verði

Öll fasteignafélögin í Kauphöllinni gætu hækkað í verði, samkvæmt nýju verðmati Capacent. Sérfræðingur telur að upplýsingar um Regin mættu vera betri og skráning Eikar hafi verið ótímabær.

Innistæða er fyrir hækkingum á gengi bréfa í öllum skráðu fasteignafélögum þremur, samkvæmt nýju verðmati fjármála- og hagfræðiráðgjafar Capacent.

Capacent telur að innistæða sé fyrir 11,7 prósentu hækkingu á gengi bréfa í Reitum, 18,9 prósentu hækkingu á gengi bréfa í Eik, og 23,8 prósentu hækkingu á gengi bréfa í Regin.

Snorri Jakobsson, sérfræðingur hjá Capacent, telur að kaup Regins á Fastengi hafi verið mjög arðbær fjárfesting. Sú fjárfesting hefði átt að endurspeglast í genginu en virðist samt ekki hafa gert það. Hann telur að Reginn sé vanmetið félag, en upplýsingagjöf félagsins mætti vera betri. Í skráningarlýsingu Eikar hafi til að mynda birst mjög nákvæmar upplýsingar um eignirnar. „Þar segja þeir nákvæmlega hver fjöldi leigutaka er, á hvaða svæði og hvers konar húsnæði það er,“ segir Snorri.

Þessar upplýsingar vanti hjá Regin. „Við metum framtíðarvöxtinn út frá eignasamsetningu og staðsetningu,“ segir Snorri. Hann bætir við að erlendar rannsóknir hafi sýnt að á fasteignamarkaði geti staðsetningin skipt öllu máli, einkum þegar um er að ræða verslunarhúsnæði eða hótél. „Þessar

GREFUR UNÐAN TRÚVERÐUGLEIKA

Capacent gagnrýnir að stærsti eigandi fasteignafélaganna Eikar og Reita hafi jafnframt séð um skráningu félaganna. „Eigandinn situr beggja vegna borðsins: Þannig ákvarðar skráningaraðili, sem jafnframt er stærsti eigandi félaganna Reita og Eikar, útböðsgengi. Auk þess hefur skráningaraðilinn mikil áhrif á upplýsingagjöfina bæði í gegnum eignarhald og umsjón með skráningu. Framangreind vinnubrögð eru til þess fallin að grafa undan trúverðugleika bæði skráningaraðila og þess fyrirtækis sem selt er. Þannig er skráningaraðilinn bæði í hlutverki fjárfestis og þjónustuaðila. Ólíklegt er að slík vinnubrögð þættu eðlileg í nágrannalöndum okkar,“ segir í skýrslu Capacent.

upplýsingar þurfa allar að vera fyrir hendi svo hægt sé að greina eignasafnið betur,“ segir Snorri.

Þann 20. desember 2013 var tilkynnt um kaup fasteignafélagsins Eikar á fasteignafélaginu Landfestum og samþykkti Samkeppnisettirlitið kaupin á árinu 2014. Eik var svo skráð á markað í apríl síðastliðnum. Að mati Capacent leið of skammur tími milli kaupanna á Landfestum og skráningar félagsins. „Það er almennt ráðlagt, áður en fyrirtæki fara á markað, að það sé stöðugleiki í rekstri og ekki miklar breytingar svo það sé auðveldara að gera sér grein fyrir framtíðarrekstrinum,“ segir Snorri. Hann bendir á að rekstrarárið 2014 endurspegli engan veginn rekstrarárið 2015. „Hvernig áttu að verðmeta fyrirtækið þegar þú gerir þér enga

„Það er almennt ráðlagt, áður en fyrirtæki fara á markað að það sé stöðugleiki í rekstri.“

SNORRI JAKOBSSON



grein fyrir framtíðarrekstrinum?“ spyr Snorri og bætir því við að ekki sé mælt með því að menn fari í útböð svo snemma eftir að keyptar eru stórar eignir. „Ekki nema að vera með þeim mun betri rekstrarátætlun.“

jonhakon@frettabladid.is



ÓSÁTTUR Guðlaugur Þór Þórðarson, þingmaður Sjálfstæðisflokksins og fulltrúi í efnahags- og viðskiptanefnd, er ósáttur við viðbrögð bankanna. FRÉTTABLAÐIÐ/VILHELM

Segir stóru viðskiptabankana þrjá engu svara um stöðu gengislána:

Þingmaður ósáttur við viðbrögð banka

„Afstaða bankanna einkennist af hroka og virðingarleysi fyrir hagsmunum almennings,“ segir Guðlaugur Þór Þórðarson, þingmaður Sjálfstæðisflokksins. Hann er ósáttur við viðbrögð bankanna við fyrirspurn hans um gengislán hjá þremur stærstu bönkunum.

Hann spurði fjármála- og efnahagsráðherra út í stöðu gengislána hjá Landsbankanum, Íslandsbanka og Arion. Guðlaugur segir að bankarnir hafi dregið að svara fyrirspurnunum sem beint var að ráðherranum, en þremur mánuðum eftir að fyrirspurnin kom fram hafi verið svarað. Guðlaugur segir að Landsbankinn hafi engu svarað efnislega en látið að því liggja að engin mál séu í ágreiningi við viðskiptavini. Guðlaugur segist þó hafa vitneskju um fjölda ágreiningsmála á milli bankans og viðskiptavina hans. Guðlaugur segir að Íslandsbanki hafi ekki svarað og vísað í gögn þar sem svör við þessum upplýsingum sé ekki að finna. „Arion banki svar-

„Það eru stórar fréttir ef Alþingi og almenn- ingur munu ekki fá upplýsingar um bankastarfsemi.“

aði heldur ekki og sagði berum orðum að: „Alþingi gegni ekki eftirlitshlutverki gagnvart bankanum.“ Með öðrum orðum, ykkur kemur þetta ekki við!“ segir Guðlaugur

„Það eru stórar fréttir ef Alþingi og almenn- ingur munu ekki fá upplýsingar um bankastarfsemi í framtíðinni. Það skal ítrekað að hér var spurt um mjög stóra hagsmuni fyrir fyrirtæki og heimilin í landinu. Ég mun ekki láta hér við sitja og hef vakið athygli forseta þingsins á þessu svarleysi,“ segir Guðlaugur. -jnh

Slitastjórn Byrs gagnrýnir frumvörp um stöðugleikaskatt og uppgjör fjármálafyrirtækja harðlega:

Verði ekki samþykkt óbreytt

„Ég held að frumvörpin geti aldrei orðið óbreytt að lögum eins og þau líta út í dag,“ segir Eva Helgadóttir, formaður slitastjórnar Byrs, um frumvörp um stöðugleikaskatt og uppgjör fjármálafyrirtækja sem lögð voru fyrir Alþingi þann 1. júní.

Eva telur það ekki standast að hvergi sé tekið fram í frumvörpunum hvernig samþykki Seðlabanka Ísland fáið sem sé eitt skilyrði þess að nauðasamningar verði samþykktir.

Í umsögn slitastjórnar Byrs um frumvörpin til efnahags- og viðskiptanefndar Alþingis er bent á

að engin kerfisáhætta sé vegna uppgjörs Byrs þar sem eignir Byrs nemi einungis 7 milljörðum króna.

Slitastjórnin leggur til að skattstofn stöðugleikaskatts slitabúanna verði miðaður við eignir umfram sjö milljarða. Slitastjórnin segist áskilja sér rétt til að höfða dómsmál verði stöðugleikaskattur lagður á eignir búans.

Þá sé það ekki algjörlega í höndum Byrs að ljúka nauðasamningum fyrir næstu áramót þar sem Íslandsbanki hafi höfðað dómsmál gegn bankanum sem ekki sé ljóst hvenær niðurstaða fáið í. -ih



BYR Byr fór í slitameðferð árið 2010. FRÉTTABLAÐIÐ/PIETUR



SUBARU

Confidence in Motion

NÝR SUBARU

ER ÖRUGGUR VALKOSTUR



Subaru XV BOXER, bensín, sjálfskiptur
Verð 5.090.000 kr.
Eyðsla 6,6 l/100 km*

SUBARU FORESTER



Forester PREMIUM BOXER, dísil, sjálfskiptur
Verð 6.090.000 kr.
Eyðsla 6,0 l/100 km*

SUBARU OUTBACK



Outback PREMIUM BOXER, sjálfskiptur
Með öryggismyndavélum
Verð 6.290.000 kr.
Eyðsla 6,0 l/100 km*

SUBARU ER EINN ÖRUGGASTI BÍLL SEM ÞÚ GETUR KEYPT

Rekstraröryggi og gott endursöluverð er það sem allir þekkja og kemur fyrst upp í hugann. Lágur þyngdarpunktur, þverliggjandi BOXER vél og sitengt fjórhjóladrif með tölvustýrðri stöðugleikastýringu er lykillinn að akstursöryggi. Allir Subaru eru með 5 stjörnur í árekstrarprófunum EuroNCAP.

GE bílar
Reykjanesbæ
www.gebilar.is
420 0400

Bílasalan Bílás
Akranesi
www.bilas.is
431 2622

Bílasala Akureyrar
Akureyri
www.bilak.is
461 2533

Bílaverkstæði Austurlands
Egilsstöðum
www.bva.is
470 5070

IB ehf.
Selfossi
www.ib.is
480 8080

BL ehf
Sævarhöfða 2 / 110 Reykjavík
525 8000 / www.bl.is





MÓTMÆLT Í AÐENU Mótmælendur komu saman við Þinghúsið í Aþenu á mánudaginn, á sama tíma og leiðtogar evruríkja komu saman til þess að ræða vandann í Grikklandi. Viðmælendur Markaðarins eru sammála um að vandi Grikkja verði leystur til skamms tíma. Til lengri tíma litið glímur ríkissjóður landsins aftur á móti við mikinn vanda. FRÉTTABLAÐIÐ/EPA

Grikkjum bjargað á elleftu stundu

Steingrímur J. Sigfússon, fyrrverandi fjármálaráðherra, segir skelfilegt að sjá Grikki engjast um árum saman við erfiðar efnahagsaðstæður. Líklegast er búið að bjarga gríska ríkinu frá greiðsluþroti um mánaðamótin.

ÚTTEKT

Jón Hákon Halldórsson
jonhakon@frettabladid.is



Það er skelfilegt að sjá gríska þjóðina engjast um í þessu ástandi mánuðum og misserum og árum saman, segir Steingrímur J. Sigfússon, þingmaður VG og fyrrverandi fjármálaráðherra, í samtali við Markaðinn.

Undanfarna daga hafa menn óttast að Grikkland stefndi í greiðsluþrot vegna 1,5 milljarða evra (222 milljarða króna) afborgunar af láni sem ríkissjóður landsins þarf að greiða á þriðjudag í næstu viku. Gríska ríkið, með stjórnarflokkinn Syriza í broddi fylkingar, hefur hingað til neitað að gera umbætur í ríkisfjármálum sem myndi leiða til þess að hægt væri að ná samkomulagi við Alþjóðagjaldeyrissjóðinn, Seðlabanka Evrópu og Evrópusambandið um afborganir af skuldum ríkisins. En eftir tillögur sem grísk stjórnvöld lögðu fram á mánudag er útlit fyrir að ríkissjóði verði bjargað frá þroti á elleftu stundu. Flestir virðast ekki í augu við vanda Grikklands strax í byrjun. „Þá hefði kannski mátt afstýra miklum þjáningum ef menn hefðu horft raunsæjar á þennan vanda fyrir fimm eða sex árum síðan,“ segir Steingrímur. Það sé erfitt og þjáningarfullt

þegar ríki situr fast í klemmu sem þessari árum saman. „Það er það sem maður skynjar þegar maður kemur á þessi Miðjarðarhafssvæði, þar sem þessir erfiðleikar eru búnir að vera langvinnastir og það er ekkert almennilega farið að rofa til. Það á ekkert bara við um Grikkland heldur að sumu leyti gildir það sama um Spán og Portúgal,“ segir Steingrímur. Þar sé stríðið við erfiðleikana ofboðslega langvinn. „Þegar menn eru ekki að sjá neinn bata í atvinnuástandinu eða á félagslegum aðstæðum þá verður þetta svo hryllilega erfitt,“ segir Steingrímur.

Forseti framkvæmdastjórnar Evrópusambandsins, Jean-Claude Juncker, telur að grísk stjórnvöld hafi stigið stórt skref í rétta átt með tillögnum á mánudag. Hann telur nú að lausn fái fyrir lok vikunnar. „Það er einfaldlega þannig að við neyðumst til þess að finna lausn á vanda Grikklands,“ sagði Juncker á stuttum blaðamannafundi eftir að leiðtogar Evrópusambandsríkja hittust í Brussel á mánudaginn. „Við getum ekki sóað tímanum lengur,“ bætti Juncker við, samkvæmt frásögn Reuters-fréttastofunnar. Hinn pólski Donald Tusk, forseti leiðtogaðs Evrópusambandsins, hefur einnig hrósað tillögu Grikkja frá því á mánudaginn. Hann telur að lausn fái í málin í þessari viku.

Fjármálaráðherrar hittast í dag

Fjármálaráðherrar evruríkja munu hittast í Brussel seinni partinn í dag til þess að reyna að ná sameiginlegri afstöðu vegna

„Það er það sem maður skynjar þegar maður kemur á þessi Miðjarðarhafssvæði.“



Grikklands. Náist samkomulag verður það borið undir leiðtogafund Evrópusambandsríkja sem haldinn verður á morgun.

Tillögur Grikkja frá því á mánudag fela í sér að virðisaukaskattur verði hækkaður, að eftirlaunaaldur verði hækkaður og að hæstu greiðslur til eftirlaunaþega verði skertar. Á móti kemur að Grikkland vill fá afskrifaðan hluta af skuldum sínum sem nema nú um 180 prósentum af þjóðarframleiðslu. Reuters-fréttastofan hafði hins vegar eftir Angelu Merkel, kanslara Þýskalands, að ekkert hefði verið rætt um að afskrifa skuldir. Hún væntast aftur á móti til þess að árangur náist á fundi fjármálaráðherranna í dag og leiðtogar Evrópusambandsríkja geti unnið með þá tillögu á morgun.

Samkvæmt tillögu sem Grikkir lögðu fram á mánudaginn áforma þeir aðgerðir til að bæta stöðu ríkisfjármála um 7,9 milljarða evra á ársgrundvelli. Það

„Það er ekkert fordæmi fyrir því að ríki hrekist úr evrusamstarfinu, hvað þá Evrópusambandinu.“



samsvarar um 1.170 milljörðum íslenskra króna.

Þær breytingar sem mestur styr hefur staðið um eru breytingar á söluskattkerfinu. Á vef Telegraph segir að kröfuhafar Grikkja vilji að tekið verði upp tveggja þrepa söluskattkerfi í stað þriggja þrepa kerfis sem er uppi núna. Veitingastaðir geta búist við því að söluskattur á þjónustu og vörur þeirra verði hækkaður úr 13 prósentum í 23 prósent. Syriza-flokkurinn, sem leiðir grísku ríkisstjórnina, hefur heitið því að ekki verði hækkaður skattur á lyf og rafmagn, en sex prósent skattur er nú lagður á lyf og 13 prósent á rafmagn.

Ríkisstjórnin í Grikklandi býst nú við því að söluskattshækkunir muni auka tekjur ríkissjóðs um 1,36 milljarða evra (rúma 200 milljarða króna) á næsta ári. Sérstakur skattur verður lagður á fyrirtæki sem skila yfir 500 þúsund evrum (74 milljónum króna) í hagnað á ári og tekjuskattar

„Ég upplifi það frekar þannig að ríkið hafi stjórn á því hvernig það ætli að skera niður.“



fyrirtækja verða hækkaðir úr 26 prósentum í 29 prósent.

Stjórn Syriza-flokksins hefur staðið fast gegn því að hreyft yrði við lífeyrsgreiðslum, eða þær skertar. Kröfuhafar hafa krafist þess að greiðslur verði skertar um eitt prósent í ár, eða um 1,8 milljarða evra (260 milljarða króna). Stjórnvöld neita því en hafa lagt til að greiðslur verði skertar um 0,04 prósent eða einungis 73 milljónir evra. Breska blaðið Telegraph segir að tillögurnar frá því á mánudaginn feli aftur á móti í sér grundvallarbreytingar á afstöðu til lífeyrissjóðakerfisins. Stjórnvöld hyggist hækka eftirlaunaaldur og stefna að því að hann verði kominn upp í 67 ára aldur árið 2025. Umdeildar viðbótarlífeyrsgreiðslur verða einnig afnumdar í skrefum frá árinu 2018.

Alexis Tsipras, forsætisráðherra Grikkja, hefur aftur á móti lagt mikla áherslu á að eftirlauna-greiðslur muni ekki lækka að nafnvirði. Slíkar breytingar kæmu

harðast niður á þeim fátækustu.

Steingrímur bendir á að rétturinn til töku eftirlauna hafi verið mjög lágur í Grikklandi og það hafi legið fyrir í nokkurn tíma að þeir gætu ekki haldið honum úti til langs tíma. „Ef ég veit rétt þá er þeirra eftirlaunakerfi algjörlega ófjármagnað. Þetta er nú kannski eitthvað sem er pólitískt erfitt en eitthvað sem flestir höfðu reiknað með að myndi gerast fyrr eða síðar,“ segir Steingrímur. Steingrímur segist þó skilja fréttir frá Grikklandi þannig að verið sé að leggja þungann af aðgerðunum á tekjuhlöðina og reynt að verja velferðarkerfið.

Engin varanleg lausn

Gylfi Magnússon, fyrrverandi viðskiptaráðherra og dósent í hagfræði við Háskóla Íslands, bendir á að þó að Grikklandi verði bjargað frá greiðsluþroti um þessi mánaðamót hafi engar varanlegar lausnir fundist á þeirra málum og ólíklegt að efnahagsástandið muni batna í Grikklandi á næstunni. „En menn kaupa tíma og það er svo sem ekki hægt annað en að vona að það dugi, því að ef að efnahagslífið á Grikklandi hjarnar eitthvað aðeins við mun það mjög hratt skila betri afkomu ríkissjóðs og þar með létta af þessari spennu sem er á þeim,“ segir Gylfi. Þetta sé væntanlega það sem menn voni því efnahagsástandið sé skelfilegt á svæðinu, með miklum samdrætti í landsframleiðslu og auknu atvinnuleysi.

Gylfi segir að Grikkland vegi ekki þungt í efnahagsstarfsemiinni í Evrópusambandinu og brottþarf af evrusvæðinu myndi ekki vege þungt efnahagslega. Hins



LEIÐTOGAR BERA SAMAN BÆKUR SÍNAR Vel fór á með þeim Angelu Merkel, kanslara Þýskalands, og Francois Hollande þegar þau komu saman til fundar á mánudag. Báðum er þeim umhugað um að samstarf Evrópusambandsins gangi sem best. FRÉTTABLAÐIÐ/EPA

vegar gæti það vegið þungt sálrænt og pólitískt. „Vegna þess að það er ekkert fordæmi fyrir því að ríki hrekist út úr evrusamstarfinu og hvað þá Evrópusambandinu. Þannig að ef það gerðist þá væri það reiðarslag fyrir Evrópusambandið og afar slæmt fordæmi, því þá myndu menn óhjákvæmlega gera ráð fyrir því að eitthvað slíkt myndi gerast aftur. Og það

myndi bjóða upp á svipaða stöðu einhvern tímann á næstu misserum í Portúgal eða á Spáni eða jafnvel Ítalíu,“ segir Gylfi.

Parf að sannfæra samflokksmenn

Bandaríska stórblaðið Wall Street Journal benti á það í gær að jafnvel þótt grísk stjórnvöld næðu samkomulagi við Evrópusambandið, Seðlabanka Evrópu og

Alþjóðagjaldeyrissjóðinn þá ætti Tsipras, leiðtogi Syriza, eftir að sannfæra sína eigin flokksmenn líka. Vassilis Chatzilamprou, áhrifamikill lögfræðingur yst á vinstri væng flokksins, lagðist þannig gegn hvers kyns tilraunum til þess að veikja félagslega kerfið í Grikklandi. „Við getum ekki sætt okkur við þungar niðurskurðaraðgerðir,“ sagði

Chatzilamprou á málþingi á sunnudaginn. „Fólk hefur fengið nóg,“ bætti hann við. Wall Street Journal segir að Syriza sé ekki hefðbundinn stjórn mála flokkur heldur bandalag vinstri sinnaðra hópa með ólíkar áherslur. Eiríkur Bergmann Einarsson, prófessor og forstöðumaður Evrópufræðaseturs Háskólans á Bifröst, segir að Syriza sé popúlistaflokkur. Vandinn við slíka flokka sé að stefnuskrá þeirra og hugmyndafræðilegur grunnur sé ekki skýr. „En vandi Grikkja er auðvitað sá að ríkið var búið að semja um alls kyns skilyrði og greiðslur og svo gerist það að stjórn mála flokkur býður sig fram sem er andvígur öllum þessum skilyrðum. Hann vinnur kosningarnar og þarf að endursemja um eitthvað sem ríkið hefur þegar undirgengist,“ segir Eiríkur Bergmann. Syriza hreinlega geti ekki staðið við öll sín kosningaloforð. Eiríkur segir að það sé misskilningur að Alþjóðagjaldeyrissjóðurinn, Seðlabanki Evrópu og Evrópusambandið leggi línurnar varðandi efnahagslega stefnumörkun heima fyrir. „Ég upplifi það ekki þannig. Ég upplifi það frekar þannig að ríkið hafi stjórn á því hvernig það ætli að skera niður,“ segir Eiríkur. Ríkið geti fengið ráðleggingar eins og það kjósi en það geti líka komið með sínar eigin áætlanir. „Og það er það sem Syriza gerði, allavega að hluta til, í gær,“ segir Eiríkur. Hann bætir við að Grikkir þurfi að vera raunsærri í sínum ríkisfjármálum. Þeir hafi hingað til viljað halda úti gegndarlausum ríkisútgjöldum, sem sumpart séu mjög rífleg, og um leið halda áfram gegndarlausri lántöku.

SOFÐU RÓTT Í ALLA NÓTT

Inniheldur aðeins náttúrulegar jurtir td. Sítrónu Melissu og Chamomillu ásamt blöndu B vítamína og magnesíum.



„Laus við fótaóeirð og sef mun betur“

-Sigríður Helgadóttir



Þrífst best með því að sprikla í byrjun dags

Edda Hermannsdóttir hefur tekið við starfi samskiptastjóra Íslandsbanka. Hún var áður aðstoðarritstjóri Viðskiptablaðsins. Helstu áhugamál Eddu eru hreyfing og samvera með börnunum.

Edda Hermannsdóttir hefur tekið við starfi samskiptastjóra Íslandsbanka. Hún mun bera ábyrgð á samskiptum og upplýsingagjöf bankans til fjölmörga sem og samfélagsstefnu bankans. Hún hefur hagfræðiþrótt frá Háskóla Íslands. Edda situr að auki í stjórn Félags viðskiptafræðinga og hagfræðinga. Hún hóf störf þann 18. júní.

Edda segir að það hafi ekki verið mjög langur aðdragandi að ráðningu hennar. „Þetta gerist allt frekar fljótt. Og í rauninni hafði ég aldrei hugsað mér að starfa í banka. Þar hefur verið unnið gott starf og greinilega gott teymi. Síðan finnst mér Birna auðvitað vera öflugur leiðtogi,“ segir Edda. Hún segir að uppbyggingin síðustu ár hafi gengið vel og það sé áberandi hversu mikil áhersla sé lögð á þessi mál, samskipta- og samfélagsmál.

„En það var erfitt að yfirgefa Viðskiptablaðið enda bý ég yfir mikilli reynslu eftir þrjú ár þar með góðu fólki.“ Edda hefur fengið við ýmis störf að undanförunu.

Auk þess að gegna stöðu

aðstoðarritstjóra á Viðskiptablaðinu hefur hún verið spyrill í Gettu betur hjá Ríkisútvarpinu. Þá hefur hún kennt leikfimi í World Class á Seltjarnarnesi í sex ár, alltaf klukkan sex á morgnana, og hyggst gera það áfram. „Ég þrífst hvort eð er ekkert öðruvísi en að sprikla í byrjun dags,“ segir hún.

Edda segist vera spennt að taka þátt í líflægu starfi innan bankans þar sem hlaupahópar séu allsráðandi um þessar mundir fyrir Reykjavíkurmaraþonið. Edda stefnir á að taka þátt í Reykjavíkurmaraþoni Íslandsbanka í sumar ef tækifæri gefst, eins og hún hefur gert nokkrum sinnum. Í þetta sinn stefnir hún á hálfmaraþon.

„Ég er tvisvar búin að hlaupa hálfmaraþon og svo hef ég nokkrum sinnum farið tíu. Ég gerði þau mistök í fyrra hálfmaraþoninu að drekka og borða lítið og koma orkulaus í mark. Í seinna hlaupinu var ég reynslunni ríkar og var síborðandi banana og súkkulaði alla leiðina enda kom ég í mark á frekar slökum tíma,“ segir Edda hlæjandi. Edda segir að hreyfing

„Par hefur verið unnið gott starf og greinilega gott teymi. Síðan finnst mér Birna auðvitað vera öflugur leiðtogi.“

af hvers kyns tagi sé aðaláhugamálið sitt ásamt ferðalögum.


„Í sumar stefni ég á að fara með einni bestu vinkonu minni í sólinu í Barcelona með börnunum okkar. Mamma slæst síðan með í för hluta úr ferðinni svo þetta verður ekki amaleg stelpuferð. Síðan er bara áhugamálið að vera með vinum og börnunum. Þau eru auðvitað helstu áhugamálið og ná að halda mér við efnið alla daga enda skemmtilegasta fólk sem ég hef kynnst,“ segir Edda, en hún á tvö börn, Emilju sem er sjö ára og Sigga sem er fjögurra ára.

jonhakon@frettabladid.is



TIL ÍSLANDSBANKA Edda Hermannsdóttir var aðstoðarritstjóri Viðskiptablaðsins áður en hún hóf störf hjá Íslandsbanka. FRÉTTABLAÐID/GVA

MEÐ TRYLLINGSLEGA GOTT HÁR



Edda á það til að djöfla manni út allan daginn, inn og út, láta mann hlaupa og borða kökur og tala við fólk (af öllum hlutum). Þetta er svo sem ágætt fyrir dauðfylli eins og mig svo ég get ekki kvartað yfir því að fá að kalla þessa dýrd sem hún Edda er vinkonu mína. Síðan er hún alveg fátallega myndin. Það myndnasta við hana er að hún segist ekki vera myndin. Hvað er myndnasta en það? Ég get ekki nefnt neina galla nema kannski þá staðreynd að hún man allt og talar dældið mikið. En það böggar mig samt ekkert, þannig lagað. Var ég búin að segja hvað hún er fátallega sæt og með tryllingslega gott hárf?

Lára Björg Björnsdóttir, ráðgjafi hjá KOM almannatengsl og rithöfundur.



Snemma kom í ljós hjá Eddu minni bæði dugnaður og áræðni. Um tveggja ára aldur var hún farin að passa upp á stóra bróður, enda veitti ekki af, fannst henni Síðan þá hafa tekið við ögrandi verkefni, hvert á fætur öðru og hún er dugleg að fara út fyrir þægindarammann. Hún komst snemma upp á lag með að afla sér tekna. Tíu ára gömul var hún farin að vinna sér inn laun við barnapössun. Edda er gleðigjafi, góður vinur og góð dóttir, hugsar vel um þá sem standa henni næst. Mætti stundum hægja þínu á sér, hefur ætíð mörg járn í eldinum.

Emilia Jóhannsdóttir, solumaður fasteigna og móðir Eddu.



STÓRHUGA Ásdís Rósa Þórðardóttir og Júlía Helgadóttir hyggjast markaðssetja verslunina erlendis á komandi mánuðum. FRÉTTABLAÐID/VALLI

Ásdís Rósa og Júlía hafa sett á fót vefverslun með handverk:

Markaðstorg fyrir íslenska hönnun

Svilkonurnar Ásdís Rósa Þórðardóttir og Júlía Helgadóttir opnuðu þann 1. júní síðastliðinn sölutorgið Kisinn.is á netinu og stefna að því að opna milliríkjaverslun í nóvember næstkomandi.

„Pælingin er að reyna að fá þarna inn einyrkja og fyrirtæki, bæði atvinnufólk og áhugafólk og þarna ægi saman sprenglærðum hönnuðum og svo fönðrandi ömmum,“ segir Ásdís Rósa Þórðardóttir. Markmiðið sé að upphefja vegsemd íslenskrar hönnunar. Vefinn kalla þær Ásdís og Júlía Kisann og eru þær þessa dagana að fá til liðs við sig framleiðendur sem hafa hug á að selja vörur sínar á netinu. „Og við teljum að þá komi einhver sjarmerandi og séríslensk blanda sem við ætlum að markaðssetja,“ segir Ásdís. Vörurnar verði markaðssettar um allan heim.

Þær Ásdís Rósa og Júlía hafa farið víða að undanförunu til þess

að kynna Kisann, í Reykjavík og Akureyri. Ásdís segir að þær hafi til að mynda eftir fremsta megni heimsótt allar fönðurbúðir og garnbúðir sem þær hafi komist í tæri við og haft uppi á handverksfólki þar sem það hefur komið saman til að kynna því Kisann. Ásdís segir að þær muni halda þessu verkefni áfram í sumar. „Og leggjum þá land undir fót á húsbílum, með fjölskyldurnar okkar, og ætlum að þefa uppi allt handverk sem um getur á leiðinni,“ segir hún.

Kisinn mun rukka framleiðendur um 100 krónur fyrir að setja myndir af hverri vörutegund, en rukka að auki 12,5 prósent álag á hverja vöru fyrir sig. Ásdís segir að hver framleiðandi muni sjá um að selja sína vöru. „Sá sem opnar búðina þarf að ákveða verðið og verðið þarf að ná yfir sendingarkostnað og skatt og fleira,“ segir hún.

-jhh

Velta Norðursiglingar jókst um 30 prósent

Velta Norðursiglingar jókst um 29 prósent á síðasta ári. Um 150 starfsmenn vinna hjá fyrirtækinu í sumar. Tekjur íslenskra ferðaskipuleggjenda námu 3,2 milljörðum í maí og tvöfaldast á milli ára.

Heildarvelta hvalaskoðunarfyrirtækisins Norðursiglingar nam 496 milljónum króna á síðasta ári samanborið við 384 milljónir króna árið áður. Þetta kemur fram í samandregnum ársreikningi félagsins, sem nýlega var birtur í fyrirtækjaskrá.

Í ársreikningnum kemur fram að gert sé ráð fyrir að reksturinn í ár verði með svipuðu móti og undanfarin ár. Guðbjartur Ellert Jónsson, framkvæmdastjóri fyrirtækisins, segir að sumarið hafi farið vel af stað. „Við erum með átta báta í heildina, fjórar skútur og fjóra eikarbáta,“ segir Guðbjartur. Hann segir að öll skipin séu í hvalaskoðun við Húsavík, nema hvað eitt sé í rannsóknarverkefni með vísindamenn frá St. Andrews-háskóla við Jan Mayen og annað sé í viðhaldsverkefni.

„Það er verið að skipta út vélbúnaði þar fyrir rafbúnað og verður tilkynnt á seinni stigum hvernig það fer,“ segir Guðbjartur. Upp úr miðjum júlí fari svo tvær skútur til Grænlands. „Við höfum verið undanfarin ár með vikusiglingar í stærsta fjarðakerfi heims,“ segir Guðbjartur. „Þetta er búið að vera undanfarin þrjú ár. Við byrjuðum með tilraunasiglingar og það hefur tekist vel. Á skútunum komast menn í snertingu við hljóðleysið og þögnina, ásamt því að vera í þessari dýrðarperlu yfir besta tímann í Grænlandi,“ segir Guðbjartur.

Á föstudaginn birti Rannsóknarsetur verslunarinnar tölur yfir greiðslukortaveltu erlendra ferðamanna í maí. Þar kemur fram að



Á HÚSAVÍK Hvalaskoðun skiptir verulegu máli fyrir atvinnulífið á Húsavík. FRÉTTABLAÐID/GVA

hvalaskoðun, jöklaferðir og náttúruskoðunarferðir verða sífellt vinsælli meðal þeirra fjölmörgu erlendu ferðamanna sem hingað koma. Þeir 91 þúsund erlendu ferðamenn sem komu til landsins í maí síðastliðnum greiddu íslenskum ferðaskipuleggjendum alls 3,2 milljarða króna með greiðslukortum og jókst velta í þessari tegund ferðabjónustu um 92 prósent frá maí í fyrra.

Í dag eru fjögur hvalaskoðunarfyrirtæki starfandi á Húsavík og er Norðursigling stærst þeirra. Guðbjartur segir að hvalaskoð-

un sé orðin ein af stærri stöðunum í atvinnulífi á Húsavík. „Það er gríðarlegur fjöldi sem starfar við þetta yfir sumartímann,“ segir hann og bætir við að gert sé ráð fyrir að um 150 starfsmenn muni starfa hjá Norðursiglingu í heild í sumar. Það fólk starfar á skipunum, á tveimur veitingastöðum sem reknir eru með hvalaskoðuninni og í slippnum. Starfsfólkið kemur víða að úr heiminum. „Það er sérhæft í að sigla á seglskútum og við erum að fá ungt fólk í þetta með okkur.“

jonhakon@frettabladid.is

Afmælistónleikar

19. september 2015

MAGGI EIRÍKS

70 ára

Reyndu aftur

Braggablús

Elska þig

Vegurinn heim

Samferða

Ó, þú

Magnús Eiríksson fagnar sjötíu ára afmæli sínu með stórtónleikum í Eldborg, þann 19. september. Dregirnir verða fram gimsteinar, konfektmolar og blúsaðar perlur úr óviðjafnanlegu lagasafni Magnúsar sem fyrir löngu er samofið þjóðarsál Íslendinga. Nýir og gamlir vinir líta við s.s. KK, Ellen Kristjánsdóttir, Valdimar Guðmundsson, Pálmi Gunnarsson o.fl. Hljómsveit ásamt strengjasveit leikur undir stjórn Þóris Úlfarssonar. Ómissandi tónleikar fyrir ómissandi fólk.

Aukatónleikar

Kl. 21 – Uppselt

Kl. 17 – Aukatónleikar

Miðasala hafin á aukatónleika: harpa.is | 528 5050 | tix.is



HARPA

DÆGURFLUGAN

Ofsagleði vegna samkomulags við kröfuhafa vekur upp:

Hrægammal brosa út í annað

Hvers vegna eru stærstu kröfuhafar slitabúa föllnu bankanna svona ánægðir með samkomulagið um stöðugleikaframlagið? Er það vegna þess að íslenska ríkið samdi af sér?

Lögfræðingar segja stundum að bestu samningarnir séu þegar báðir aðilar ganga jafn fúlir frá borði. Í þessu er ákveðinn sannleikur. En sú ofsagleði sem einkennt hefur umræðu um samkomulag við kröfuhafa föllnu bankanna vekur hjá manni upp. Af hverju eru þeir svona ánægðir? Og hvers vegna eru stjórn og stjórnarandstaða sammála um að þessir samningar séu svona góðir? Getur það verið vegna þess að stjórnarandstaðan skynjaði að umræðan um þetta samkomulag var frá fyrsta degi jákvæð og stjórnmálamenn eru upp til hópá óruggir menn sem hræðast fátt meira en almenningssálitið?

Sérfræðingar í framkvæmdastjórn um afnám gjaldeyrishafta áætla að stöðugleikaframlagið svokallaða, þ.e. peningarnir sem slitabúin borga svo þau fái ekki á sig stöðugleikaskattinn, skili 450 milljörðum króna. Hvernig var þessi fjárhæð fundin út? Jú, þetta eru þeir peningar sem seðlabankastjóri kallaði mengun á efnahagsreikningi þjóðarbúsins á fundi efnahags- og viðskiptanefndar. Þetta eru íslenskar krónur sem sitja fastar inni í kerfinu og aldrei var hægt að skipta í gjaldeyri.

Ef stóru bankarnir þrír og stjórnendur þeirra öllu tjóni á íslensku samfélagi, hvað er eðlilegt endurgjald fyrir það tjón? Ljóst er að þeir peningar sem slitabúin munu greiða með stöðugleikaframlagi dekkja ekki heildartjón ríkisins af bankahruninu sem er eitthvað um 1.100 milljarðar króna þegar allt hefur verið tekið saman. Þá hefur ekki verið tekið með í reikninginn það tjón sem íslensk heimili urðu fyrir vegna óráðsúnnar í íslensku bankakerfi, tjón vegna peningamarkaðssjóða o.s.frv. Það hefði hæglega verið hægt að skattleggja þessi slitabú með stöðugleikaskatti upp á 2.000 milljarða króna með force majeure-rökum sem hefði verið hægt að láta reyna á fyrir dómstólum. Óvissan við slíka skattlagningu er að hún hefði sennilega ekki komist í gegnum nálarauga meðalhöfðsins.

Margir halda að af því að viljayfirlýsingar stærstu kröfuhafa föllnu bankanna liggja fyrir þá sé þetta fast í hendi, peningarnir sem slitabúin borga. Þetta er mikill misskilningur. Restin af kröfuhöfunum á eftir að samþykkja skilyrðin. Þá á eftir að ganga frá nauðasamningum. Ekki er útilokað að kröfuhafar Glitnis, þýskir bankar sem hafa haldist inni og ekki selt kröfur sínar, hafni samkomulaginu og láti reyna á lögmæti stöðugleikaskattsins fyrir dómstólum. Þá mun taka 5-7 ár að lyfta gjaldeyrishöftum þegar „menguninni“ í efnahagsreikningi þjóðarbúsins hefur verið varanlega eytt. Þá er ekki víst að afnám gjaldeyrishafta skipti nokkru máli fyrir venjulegt fólk í millistétt sem hyggur ekki á fasteignakaup á Spáni eða millifærslur í gjaldeyri enda finnur það ekkert fyrir höftum þar sem vöru- og þjónustuviðskipti eru undanþegin. Ég tel raunar að stjórnvöld ofmeti mjög skaðann sem fylgir höftunum og þau vita í reynd ekki hver skaðinn er því hann hefur aldrei verið reiknaður út.

Það getur verið að viljayfirlýsingar stærstu kröfuhafa slitabúa föllnu bankanna, um að þeir borgi stöðugleikaframlag, sé betri leið en að fara í hart við þá. Lærdómur sögunnar mun veita svör við því. En við skulum ekki halda að þetta samkomulag sé einhver happdrættisvinningur fyrir íslenska ríkið og þar með íslenska skattgreiðendur. Því fer fjarri.

Lýðræðishalli í 20 ár

Hin hliðin

Bjarnveig Eiríksdóttir hdl., LL.M.

EES-samningurinn er í sífelldri mótun. Sameiginlega EES-nefndin sem Ísland á sæti í ákveður hvort taka beri ESB-reglur inn í EES-samninginn. Erfitt er að fá undanþágu frá ESB-reglum. Þurfa jafnan sérstakar aðstæður að koma til en ekki dugur að bera fyrir sig skort á vilja til að undirgangast regluna. Eftir að sameiginlega nefndin hefur samþykkt að taka ESB-reglur inn í EES-samninginn er íslenskum stjórnvöldum skylt að leiða þessar reglur í lög.

Fimmtungur laga kemur frá Brussel og Lúxemborg

Í þau rúm tuttugu ár sem liðið hafa síðan EES-samningurinn tók gildi hafa streymt gegnum Alþingi lagafrumvörp sem ætlað er að innleiða reglur sem sameiginlega EES-nefndin hefur bætt við EES-samninginn. Af þingmálaskrá Alþingis má sjá að nálægt 20% af lagafrumvörpum sem koma fyrir Alþingi á hverju löggjafarþingi mæla fyrir um lögfestingu á EES-reglum. Í sumum tilvikum gefa reglurnar sjálfar ákveðið svigrúm til aðlögunar að íslenskum hagsmunum. Að því slepptu verður ekki betur séð en að lögin sem Alþingi setur til framkvæmdar EES-reglum séu ekki samin við Austurvöll heldur í Brussel og Lúxemborg.

Viðvarandi lýðræðishalli

Fyrir lýðræðið er það ekki ákjósanleg staða að þurfa að undirgangast lagareglur sem Alþingi hefur lítil áhrif haft á. Ekki er þó auðvelt að sjá leiðir til úrbóta aðrir en að stjórnvöld vinni að því að koma sjónarmiðum sínum að í löggjafarferli ESB eftir því sem kostur er. En hvaða reglur eru þetta og hefur það verið skaðlegt að ekki hefur tekist að koma að íslenskum sjónarmiðum í löggjafarferli hjá ESB? EES-reglur lúta flestar að lagaumgjörð í viðskiptalífnu og réttindum einstaklinga. Oft á tíðum eru þetta svo tæknilegar reglur að aðeins er á færi sérfræðinga að meta undirliggjandi hagsmuni. Umræður um skaða

á íslenskum hagsmunum hafa ekki verið áberandi en nauðsynlegt er að skoða þetta atriði sérstaklega.

Markaðir opnir í tuttugu ár

Því má ekki gleyma að mikilvægasta lagabreytingin sem varð með EES hlýtur að teljast lögfesting EES-laganna sem innihalda reglurnar um fjórfrelsi, samkeppni og ríkisaðstoð. Þessar reglur voru afkrastur þriggja ára samningaferlis sem íslenska ríkið tók þátt í og kom sínum sjónarmiðum að. Með þessum grunnreglum voru línurnar lagðar. Markaðir skyldu opnaðir og mismunur eftir þjóðerni var bönnuð. Þetta þykja svo sjálfsögð réttindi í dag að furðu sætir að hið gagnstæða hafi áður liðið.

Mótmælendur handteknir í Tyrklandi



HANDTEKIN Það voru engin vettlingatök höfð þegar tyrkneskir lögreglumenn handtóku mótmælendur fyrir framan menntamálaráðuneytið í Ankara á mánudaginn. Nemendur mótmæltu flóknu prófakkerfi.

NORDICPHOTOS/AFP

Leið okkar til langlífis og offitu

Skoðun

Óttar Snædal
hagfræðingur hjá SA



Það liggur óþefur yfir landinu þessa dagana. Hann smýgur milli þilja og ónáðar saklaust fólk á heimilum sínum, ekki síst á nóttunni. Eins og fólk hefur örugglega getið sér til stafar fnykurinn af orðræðunni gegn kapitalismanum. Það virðist nefnilega svo að margir hafi að undanförunu snúist gegn frjálsum markaðsbúskap eða í það minnsta að andstæðingar hafi fundið skoðunum sínum frjóan jarðveg. Brjáladislegt? Vissulega, en fréttatímar, pistlaskrif og ræðuhöld í miðbænum hafa heldur styrkt þá skoðun að undanförunu að frjálsum markaður sé ekki lengur móðins, eins og hann var nú kúl fyrir hrún.

Þetta er varhugaverð þróun í ljósi þess að ekkert hefur reynst eins vel og frjálsum markaður í að bæta kjör fjöldans. Hrunið íslenska hefur engu um það breytt. Við erum ríkari en við upphaf aldarinnar, kaupmáttur er meiri og við lifum lengur þrátt fyrir velmegunarspikið. Klassískt er að benda á að hvergi hafa þeir fátækustu það betra en í löndum þar sem frelsi er mikið í viðskiptum en einnig má líta til þeirrar lygilegu þróunar

sem orðið hefur frá iðnbyltingu, upphafi alþjóðlegs markaðshagkerfis og kapitalisma. Á þeim 200 árum sem frá eru liðin hefur mannkynið sjöfaldað að stærð á sama tíma og lífskjör hafa rokið upp. Offitan hefur tekið við af næringarskortinum og langlífi af barnaðauða.

Það má færa sterk rök fyrir því að hér sé slegið vindhögg, auðvitað er andstaða við iðnbyltingu 18. aldar hverfandi hér á landi. Margt ber þó að sama brunni. Síðastliðin átugir eru af sumum taldri misheppnuð frjálshyggjujúlraun, sem aukði hafi ójófnað og komið illa við okkar fátækustu meðbræður og systur. Erfitt er þó að setta það sjónarmið við framfarirnar sem við okkur blasa. Auðvitað eru snjallsímar, töfrasprotar og sushi-staðir á Akureyri mikil framför en það sem stendur upp úr eru þær milljónir jarðarbúa sem hafa brottist úr fátækt á síðustu 40 árum. Hlutfall jarðarbúa sem lifa á minna en 1/2 dollara á dag (á föstu verðlagi) hefur fallið úr um 30% árið 1980 niður í um 5% nú. Það samsvarar því að tæplega 2 milljarðar manna hafi sloppið úr allra sárustu fátækt. Vöxtur fátækari þjóða hefur valdið því að ójafnaðarstuðullinn, GINI, fyrir mannkynið í heild hefur verið á niðurleið síðastliðin 40 ár.

Minnkun fátækta hefur verið nokkuð almenn í heiminum á þess-

um tíma og þó að á hverjum stað hafi hún sín sérkenni þá er eitt sammerkt í flestum ríkjum. Fátækt er nánast spegilmynd af hagvexti. Þar sem við höfum hagvöxt, höfum við minnkandi fátækt. Efnahagslegur uppgangur hvers ríkis er því von fátæka mannsins og hver réttisyn manneskja fagnar því þegar fyrirtæki færna framleiðslu sína til fátækari ríkja.

Sárasti misskilningurinn varðandi frelsi í viðskiptum er að telja það harðneskjulega líffsýn að vilja láta markaðinn ráða. Líklega væri best að hætta að tala um markaðinn, hætta útgáfu allra innbláða sem bera það nafn, og vísa heldur til þess að við erum markaðurinn. Markaðsfrelsi gengur út á frjáls samskipti fólks, bæði að fólk hafi val um hvers þau neytir og ekki síður að fólk fái að framleiða það sem þau telur að aðrir vilji neyta. Allt gengur þetta út á samstarf án valdbóðs. Við slíkt umhverfi förum við út fyrir eigin getu, verðum sem heilasellur í flóknu apparati sem enginn hefur fullkomna yfirsýn yfir eða umsjón með. Engin ein manneskja getur búið til tölvu, ekki frekar en blýant, stroklaður eða strætómíða. Aðföngin koma víða að, fólk af ýmsu þjóðerni, dreift um heiminn, sérhæfir sig í mismunandi þáttum framleiðsluferlisins svo að á endanum sitjum við í raflystu húsi og étum Snickers. Er það ekki draumurinn?

ÞRÁÐLAUS PRENTARI MEÐ SKANNA OG LJÓSRITUN

48 TÍMA TILBOÐ

EPSON



9.995 KR.
VENJULEGT VERÐ 12.995 KR.

ÞRÁÐLAUS HEIMILISPRENTARI SEM PRENTAR,
SKANNAR OG LJÓSRITAR Á AÐEINS KR. 9.995!

Tilboðið gildir til kl. 8:00 föstudagsmorgun 26. júní í verslunum og www.tl.is



tl.is

**TÖLVA
LISTINN**

REYKJAVÍK
SUÐURLANDBRAUT 26
Sími 414 1700

AKUREYRI
GLERÁRGÖTU 30
Sími 414 1730

HÚSAVÍK
GARÐARSBRAUT 18A
Sími 464 1600

EGILSSTAÐIR
KAUPVANGI 6
Sími 414 1735

KEFLAVÍK
HAFNARGÖTU 90
Sími 414 1740

SELFOSS
AUSTURVEGI 34
Sími 414 1745

AKRANES
ÞJÓÐBRAUT 1
SÍMI 431 3333

6% FÆKKUN

Starfsmönnum fækkar

Fastráðnum starfsmönnum Hagstofunnar fækkaði um 6% frá árslokum 2013 til ársloka 2014. Heildarútgjöld Hagstofunnar námu 1.141 milljón í fyrra og stóðu í stað á milli ára. Þetta kemur fram í ársskýrslu Hagstofunnar sem var birt í gær. Langstærsti útgjaldaliðurinn er laun og launatengd gjöld sem nema um 78% af útgjöldum. Næststærsti útgjaldaliðurinn er húsnæðiskostnaður.

19.06.2015 Þegar fleiri konur taka þátt í atvinnulífinu getur hlotist af því mikill þjóðhagfræðilegur ábati. Það eru nægar sannanir fyrir þessu, þar á meðal margar rannsóknir sem sýna að með því að lyfta atvinnuþátttöku kvenna upp á sama stig og karla eykst verg landsframleiðsla verulega. Nákvæmt mat er mismunandi. Ein rannsóknin sýnir að verg landsframleiðsla myndi aukast um fimm prósent í Bandaríkjunum, níu prósent í Japan og um tólf prósent í Sameinuðu arabísku furstadæmunum.

Christine Lagarde, framkvæmdastjóri Alþjóðagjaldeyrissjóðsins.



3 HUGMYNDIR

Íslenskar lausnir vekja athygli

Þrjár íslenskar hugmyndir eru meðal 25 hugmynda sem fara áfram í samkeppni norrænu höfuðborganna fimm og Norrænu nýsköpunarmiðstöðvarinnar um tæknilausnir í velferðarþjónustu, sem ætlað er að stuðla að sjálfstæðu lífi fatlaðs fólks og aldraðra. Frumkvöðlar frá Norðurlöndunum sendu inn 417 hugmyndir að lausnum og þar af átta Íslendingar 64 hugmyndir.

STJÓRNAR- MAÐURINN

Hinn endalaus gríski harmleikur

Efnahagslegar ófarir Grikkja virðast endalausar. Þegar þetta er ritað virðist þó ætla að fara svo að lengt verði í hengingarólinni í enn eitt skiptið – aðilar gefi sér til vikuloka til að ná samkomulagi.

GRIKKIR fengu framlag frá Alþjóðagjaldeyrissjóðnum, Seðlabanka Evrópu og fleirum árið 2010. Gjald dagar þessara lána nálgast nú en tæplega nítján milljarðar evra koma til greiðslu á næstu sex mánuðum. Grikkir hafa ekki enn lent í greiðsluþroti, en útséð er að náist ekki samkomulag um frekari greiðslufrest og fjárframlög er slíkt óumflýjanlegt.

GRIKKIR voru vissulega ekki einir til að fá fjárhagsaðstoð á árunum eftir 2008. Nægir þar að nefna Íslendinga, Spán, Portúgal og fleiri lönd. Fjárhagsaðstoð fylgja hins vegar skilyrði um áherslu í ríkisrekstri, sparnaðaraðgerðir o.s.frv.

GRIKKIR skera sig úr öðrum lán-takendum að því leyti að þeim hefur nánast í engu tekist að fylgja skilyrðum lánardrottna. Grikkir lofuðu endurbótum á virðisauka-skattkerfinu, og að skera niður lífeyrisgreiðslur. Lítið hefur orðið um efndir. Sömuleiðis lofuðu þeir að selja ríkiseignir fyrir fimm-tíu milljarða evra – rauntalan, nú fimm árum seinna, er rétt ríflega tveir milljarðar. Staðan er því sú að Grikkir eiga enga raunhæfa möguleika á að standa við skuldbindingar sínar. Þar stendur hnífurinn í kúnni.

FORSVARSMENN ESB, með Þýskaland í fararbroddi, stendur frammi fyrir erfiðum valkostum. Hvað gerist ef þeir afskrifa skuldir Grikkja? Fylgja þá ekki lönd á borð við Írland, Spán, Portúgal og fleiri í kjölfarið og krefjast þess sama? A.m.k. er líklegt að erfitt verði fyrir ríkisstjórnir í þeim löndum að réttlæta aðhaldsaðgerðir ef dæmi Grikklands sannar að fljótlegri og sársaukalausari leið er einfaldlega að krefjast afskrifta.

VALKOSTIRNIR eru því ómögulegir: annaðhvort verða skuldirnar afskrifaðar að hluta með tilheyrandi hættu á holskeflu sambærilegra mála frá öðrum lánþökum, eða Grikkir verða nauðbeygðir til að undirrita samkomulag sem allir vita að þeir geta ekki staðið við.

ÞRIÐJI valkosturinn er að Grikkir hreinlega segi sig frá myntstarfinu og gangi úr ESB. Ljóst er að afleiðingar af slíku yrðu hrikalegar fyrir Grikki. Fyrir liggur að bankakerfi landsins myndi ekki þola þá niðurstöðu, og hrikta myndi í öllum grunnstöðum samfélagsins.

SENNILEGT er að ESB stæði brott-hvarf Grikkja vel af sér í efnahagslegu tilliti. Hins vegar yrði það mikill álitshnekkir fyrir félagsskap sem gangsettur var til að varðveita friðinn í álfunni, ef minnsti bróðirinn yrði skilinn eftir á berangri.

Heilbrigðissvið Fastus

Fastus býður uppá vandaðar lausnir fyrir fyrirtæki og stofnanir á heilbrigðissviði ásamt því að finna lausnir og aðstoða við val á vörum til einstaklinga.



Stuðningshlífar



Æfingatæki



Næringarvörur
eru í samningi við
Sjúkratryggingar
Íslands

Næringarvörur



Hjálpartæki



Vönduð rúm og húsgögn



Veit á vandaða lausn

Komið í verslun okkar að Síðumúla 16 - 2.hæð. Opíð mán - fös 8.30 - 17.00
Síðumúli 16 • 108 Reykjavík • Sími 580 3900 • www.fastus.is